

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհուրդ**

Ո Ր Ո Շ ՈՒ Մ

15 հունիսի 2018 թվականի

**«Ուսումնական և գիտահետազոտական աշխատանքների
կազմակերպումը Գյումրու մասնաճյուղում» հարցի մասին**

Լսելով և քննարկելով «Ուսումնական և գիտահետազոտական աշխատանքների կազմակերպումը Գյումրու մասնաճյուղում» հարցը (զեկուցող՝ մասնաճյուղի տնօրեն, տնտեսագիտության դոկտոր, պրոֆեսոր Ս.Ա.Դավոյան)՝ գիտական խորհուրդն արձանագրում է. մասնաճյուղը զգալի աշխատանք է իրականացրել ռազմավարական զարգացման ծրագրով նախատեսված գործողությունների իրականացման, ուսումնական գործընթացը գիտական խորհրդի և ռեկտորատի որոշումներին ու հանձնարարականներին համապատասխան կազմակերպելու, ուսումնական ծառայությունների և գիտահետազոտական աշխատանքների որակը բարձրացնելու ուղղությամբ:

Ուսումնական գործընթացը կազմակերպվել է հաստատված դասատախտակին ու ժամանակացույցին համապատասխան:

2017-2018 ուսումնական տարվա երկրորդ կիսամյակում մասնաճյուղի ուսանողների ընդհանուր թիվը բոլոր կրթաձևերում կազմել է 559, այդ թվում՝ առկա ուսուցման բակալավրիատում՝ 333, առկա ուսուցման մագիստրատուրայում՝ 86, հեռակա ուսուցման բակալավրիատում՝ 116, հեռակա ուսուցման մագիստրատուրայում՝ 25: Ավարտական կուրսերի ուսանողների թիվը 161 է, որից 1 ուսանող չի մասնակցել առկա ուսուցման բակալավրիատի ամփոփիչ ատեստավորմանը: Նախորդ ուսումնական տարվա նույն ժամանակահատվածում մասնաճյուղում սովորել են 630 ուսանողներ:

Ընթացիկ ուսումնական տարվա առաջին կիսամյակի ամփոփիչ քննաշրջանի արդյունքներով ուսման առաջադիմությունը մասնաճյուղում կազմել է. առկա ուսուցման բակալավրիատում՝ 75.3%, առկա ուսուցման մագիստրատուրայում՝ 85.8%, հեռակա ուսուցման բակալավրիատում՝ 61.3%, հեռակա ուսուցման մագիստրատուրայում՝ 78.6%: 33 ուսանողներ հեռացվել են ցածր առաջադիմության, այդ թվում նաև՝ ուսման վարձերի պարտքերի պատճառով:

2017-2018 ուսումնական տարվա երկրորդ կիսամյակում առկա ուսուցման բակալավրիատի ամփոփիչ ատեստավորմանը մասնակցել և ավարտական աշխատանքներ են պաշտպանել 94 ուսանողներ, որոնցից գերազանցության դիպլոմ են ստացել 11-ը: Առկա ուսուցման մագիստրատուրան թողարկել է 46 շրջանավարտ, որից գերազանցության դիպլոմ են ստացել 8-ը: Հեռակա ուսուցման բակալավրիատը թողարկել է 20 շրջանավարտ:

2017-2018 թթ. մասնաճյուղում իրականացվել են.

1. Կրթական գործընթացի բարեփոխումներ

1. Ավարտին է հասցվել «Բազմաբնույթ համաթվերի ձևավորման մեթոդաբանության կատարելագործման հայեցակարգերը» թեմայով դրամաշնորհային աշխատանքը: Աշխատանքի արդյունքները ներկայացվել են հրատարակման:

2. Համաձայն Հայաստանի պետական տնտեսագիտական համալսարանի Գյումրու մասնաճյուղի խորհրդի՝ 2013 թվականի նոյեմբերի 26-ի թիվ 9 որոշման՝ 2017 թվականի հունվարի 9-ից գործողության մեջ էր դրվել մասնաճյուղային գիտական դրամաշնորհների տրամադրման կարգը: 2017 թվականի դեկտեմբերի 26-ին դրամաշնորհներ տրամադրող մրցութային հանձնաժողովը առաջարկեց հայտարարել դրամաշնորհի ծրագրի մրցույթ «Եվրասիական տնտեսական միության երկրներում իրականացված բազմաբնույթ վերափոխումների միասնականացումը և համեմատական վերլուծությունը» թեմայով:

3. Հրատարակվել են պրոֆեսոր Ս.Ա.Դավոյանի «Բիզնեսի կառավարում» ուսումնական ձեռնարկը և «Երկրների բազմաբնույթ վերափոխումների համեմատական արդյունավետության վերլուծությունը. ժամանակի մարտահրավերները և հաղթահարման ուղիները» մենագրությունը:

4. Բնագիտական ամբիոնի դասախոս Ա.Հովհաննիսյանը հրատարակել է 3 միջազգային հոդված, իսկ 2 հանրապետական հոդված ներկայացված է հրատարակման:

5. Մասնաճյուղը՝ տնօրեն Ս.Դավոյանի ղեկավարությամբ, մասնակցության հայտ է ներկայացրել «Հորիզոն 2020» ծրագրին: Որպես դրամաշնորհի թեմա առաջարկվել է "Integral Index of Reforms":

6. ՀՀ կենտրոնական բանկում ամփոփված ԿԲ առաջին նախագահ Իսահակ Իսահակյանի անվան կրթաթոշակի հերթական մրցույթի արդյունքների շրջանակներում մասնաճյուղի «Ֆինանսներ» մասնագիտության 4-րդ կուրսի ուսանող Լեռնուհի Սահակյանն ու «Միջազգային տնտեսական հարաբերություններ» մասնագիտության 4-րդ կուրսի ուսանող Անժելա Պապիկյանը արժանացել են արծաթե հուշամեդալների, իսկ Անժելա Պապիկյանը՝ նաև կրթաթոշակի:

7. Ընդհանուր տնտեսագիտության ամբիոնի 11 դասախոսներ մասնակցել են հանրապետական գիտաժողովի և հրատարակման փուլում են զեկուցումների նյութերը: Բնագիտամաթեմատիկական առարկաների ամբիոնի դասախոսները հրատարակել են 9 գիտական հոդված, որից 2-ը՝ միջազգային ամսագրերում:

8. Մասնաճյուղի 3 դասախոսներ մասնակցել են միջազգային սեմինարների և գիտաժողովների Պորտուգալիայում, Գերմանիայում և Հունգարիայում:

Կազմակերպվել է Դարոն Աճեմօղլու, Ջեյմս Ա. Ռոբինսոն «Ինչու են ձախողվում պետությունները» գրքի քննարկում:

10. Իռլանդիայի Դուբլին քաղաքում 2018 թվականի մարտի 1-2-ն անցկացված միջազգային գիտաժողովի ժողովածուում տպագրվել է «Իրավունքի գերակայության ապահովման անհրաժեշտությունը. դրա մակարդակի գնահատումը» վերնագրով հոդվածը: Այն տպագրվել է գիտաժողովի նյութերի ժողովածուում (Տնտեսագիտության

և Բիզնեսի կառավարման կիրառական հետազոտություններ), որը գրանշվում է Google Scholar-ի և Scopus-ի կողմից:

11. 2018 թ. մայիսի 31-ից հունիսի 1-ն ընկած ժամանակահատվածում անցկացվել է «ՀՀ սոցիալ-տնտեսական զարգացման մարտահրավերները և դրանց հաղթահարման ուղիները» թեմայով հանրապետական ուսանողական գիտաժողով: Ներկայացված զեկուցումներից լավագույնները ներկայացվելու են տպագրության:

2. Մարդկային ռեսուրսներով ապահովվածություն

2018 թվականի հունիսի 1-ի դրությամբ մասնաճյուղի դասախոսների թիվը 58 է (այդ թվում 18-ը՝ համատեղությամբ), որից՝ 4 դոկտոր, պրոֆեսոր, 12 թեկնածու, դոցենտ, 2 դոցենտ, 10 թեկնածու, 30 ասիստենտ և դասախոս:

Մասնաճյուղն ունի 9 հայցորդ:

3. Գործունեության միջազգայնացում

Ընդհանրապես, մասնաճյուղի միջազգայնացման գործընթացն իրականացվում է բուհի միջազգայնացման գործընթացի տրամաբանությամբ և դրա շրջանակներում: Մասնավորապես՝ 2017-2018 ուստարում ֆակուլտետի 5 ուսանողներ (4 մագիստրանտ և 1 բակալավր) «Էրասմուս+» ուսանողների փոխանակման ծրագրի շրջանակներում մեկ կիսամյակ ուսումնառել են եվրոպական տարբեր բուհերում (4-ը՝ Իտալիայի Պադովայի համալսարանում, 1-ը՝ Լեհաստանի Բիալիստոկի տեխնոլոգիական համալսարանում):

4. Ռեսուրսային ապահովվածություն

Մասնաճյուղի լսարանային ֆոնդը՝ 1488.96 քառ.մ, ամբողջությամբ բավարարում է ուսումնական գործընթացը կազմակերպելու համար: Մասնաճյուղում առկա է համակարգչային տեխնիկայով ու պրոյեկտորով (կամ Smart գրատախտակով) համարված 2 լսարան: Ընդ որում, դրանցից մեկը կահավորվել է 2017-2018 ուստարում:

5. Կառավարման բարելավում ու ընթացակարգերի մշակում

2017-2018 ուստարում մշակվել ու գիտական խորհրդի հաստատմանն է ներկայացվել մասնաճյուղի նոր կանոնադրությունը: Բացի դրանից, մշակվել են մասնաճյուղի բոլոր ստորաբաժանումների կանոնակարգերը:

Միաժամանակ, առկա են որոշակի թերություններ և բացթողումներ ուսումնական գործընթացի կազմակերպման, կրթության որակի բարելավման, կրթության նոր մեթոդների կիրառման, ինչպես նաև գիտահետազոտական աշխատանքների կատարման գործում: Այսպես՝ դեռևս բավարար մակարդակի վրա չէ գործնական, լաբորատոր պարապմունքների և ուսանողների հետ կատարվող անհատական աշխատանքների որակը: Միևնույն ժամանակ, ամբիոնները դասախոսությունների, գործնական և լաբորատոր պարապմունքների անցկացման ժամանակ դեռևս ամբողջությամբ չեն հիմնվում ժամանակակից տեխնիկական միջոցների կիրառման վրա: Դեռևս շարունակվում են թերությունները նաև ավարտական աշխատանքների ու մագիստրոսական թեզերի ղեկավարման, կարծիքների տրամադրման և գրախոսությունների մասով: Ղեկավարների կարծիքները, գրախոսու-թյունները շատ հաճախ ձևական բնույթ են կրում՝ դժվարացնելով գնահատման գործընթացը, ինչը արձանագրվել է նաև ամփոփիչ ատեստավորման հանձնաժողովների նախագահների կողմից:

Ֆինանսական գործունեությունը 2018 թ. հունիսի 1-ի դրությամբ

2017-2018 ուստարվա ուսման վարձերի գումարը կազմում է 205.646.000 ՀՀ դրամ, որը 2016-2017 ուստարվա համեմատությամբ նվազել է 9.050.000 ՀՀ դրամի չափով: 2017-2018 ուստարում մուտքերը կազմել են 153.515.000 ՀՀ դրամ, տարեկան զեղչը՝ 10.001.000 ՀՀ դրամ: Պարտավորությունը ուսման վարձավճարների գծով կազմում է 42.130.000 ՀՀ դրամ, որը 2016-2017 ուստարվա 28.860.000 ՀՀ դրամի համեմատությամբ ավելացել է 13.270.000 ՀՀ դրամի չափով: Ծախսերի 85%-ը հատկացված է աշխատավարձի հողվածին, ծախսերի 9%-ը կազմում են կոմունալ ծախսերը, իսկ մնացած 6%-ը հատկացված է այլ ընթացիկ ծախսերին:

Արձանագրված խնդիրներ

1. Դասավանդման որակի ու մեթոդների, ուսանողներին մատուցվող նյութի և մատուցման եղանակների հետ կապված խնդիրներ, որոնք հատկապես ակնառու են մագիստրատուրայում:
2. Ամբիոններում արտաքին ֆինանսավորմամբ գիտահետազոտական և դրամաշնորհային ծրագրերի գրեթե բացակայություն:
3. Գիտահետազոտական աշխատանքների կազմակերպման, դրանցում պրոֆեսորադասախոսական կազմի ներգրավվածության, ձեռքբերված տեսական արդյունքները դասավանդման պրակտիկայում գործադրման խնդիրներ:
4. Մագիստրոսական կրթության կազմակերպման խնդիրներ՝ բացակայություններ, ծրագրերի կրկնություն, գիտահետազոտական փորձառության կազմակերպում:
5. Հեռակա ուսուցման բակալավրիատում առաջադիմության խնդիրները:
6. Ուսումնաարտադրական փորձառության կազմակերպման ու անցկացման հետ կապված խնդիրներ:
7. Դասամատյանների վարման, գիտելիքների գնահատման ամփոփաթերթերում նշումների անսխալ գրանցման, ուսանողների ընթացիկ ակտիվության ճիշտ հաշվարկման խնդիրներ:
8. Ավարտական աշխատանքների, մագիստրոսական թեզերի և դրանց վերաբերյալ կարծիքների տրամադրման և գրախոսությունների որակի հետ կապված խնդիրներ:
9. Մասնագիտական նորույթները ուսանողներին հասանելի դարձնելու խնդիրներ:

Ելնելով վերոնշյալից՝ գիտական խորհուրդը

ՈՐՈՇՈՒՄ Է

1. Հայաստանի պետական տնտեսագիտական համալսարանի Գյումրու մասնաճյուղի ուսումնական և գիտահետազոտական աշխատանքների մասին հաշվետվությունն ընդունել ի գիտություն և կատարվածը գնահատել բավարար:

2. Հանձնարարել մասնաճյուղի տնօրենին՝

- 1) հաշվի առնելով Շիրակի մարզի սոցիալ-տնտեսական վիճակը՝ առաջարկություն ներկայացնել ընդունելության քննությունները մեկ առարկայով պակասեցնելու նպատակով,
- 2) ուշադրության կենտրոնում պահել մասնաճյուղում վարվող կադրային քաղաքականության, ամբիոնների կողմից դասախոսների ընտրության և համալրման գործընթացը՝ նախապատվություն տալով բանիմաց, ակտիվ գիտահետազոտական գործունեություն իրականացնող, մանկավարժական և մասնագիտական անհրաժեշտ հմտություններ ունեցող կադրերին,
- 3) հսկողություն իրականացնել դասալսումների գործընթացի նկատմամբ, մասնաճյուղի խորհրդում պարբերաբար քննարկել դրանց արդյունքները,
- 4) ակտիվացնել աշխատանքները մագիստրատուրայում դասավանդող դասախոսների ընտրության և բարձրորակ դասախոսական կադրերով ապահովելու, ինչպես նաև մատուցվող ծրագրերի և համապատասխան նյութի որակը բարձրացնելու ուղղությամբ,
- 5) հետևողական աշխատանք իրականացնել դասամատյաններում ուսանողների հաճախումների և ընթացիկ ակտիվության հաշվառման ու գնահատման գործընթացի ուղղությամբ: Յուրաքանչյուր դասաձախողման դեպք դարձնել առանձին քննարկման առարկա,
- 6) խրախուսել ուսումնամեթոդական ձեռնարկների, խնդրագրքերի, դասախոսությունների նյութերի նախապատրաստման և հրատարակման աշխատանքները,
- 7) մշակել և իրականացնել դասախոսների և աշխատակազմի ատեստացիոն համակարգը, որը հնարավորություն կստեղծի ազատվել մասնագիտական ցածր մակարդակ ունեցող աշխատողներից,
- 8) ակտիվացնել ուսանողական գիտական ընկերության (ՈԻԳԸ) գործունեությունը՝ առավելագույնս ներգրավելով հետազոտական աշխատանքի ունակություններով օժտված ուսանողներին և մագիստրանտներին,
- 9) խրախուսել արտասահմանյան համալսարանների դասախոսների հետ համատեղ ուսումնագիտական աշխատանքների անցկացումը,
- 10) առաջարկություն ներկայացնել մասնաճյուղում հեռավար ուսուցում կազմակերպելու նպատակով:

3. Հանձնարարել մասնաճյուղի ամբիոնների վարիչներին՝

- 1) ակտիվացնել հայալեզու գրքերի, ուսումնական ձեռնարկների, դասախոսությունների նյութերի, խնդիրների և թեստերի ժողովածուների հրատարակումը,
- 2) խրախուսել «Էրասմուս+» ծրագրի շրջանակներում դասախոսների փոխանակման ու գործընկեր համալսարաններում դասավանդման ծրագրերին ամբիոնների դասախոսների ակտիվ մասնակցությունը,

- 3) ապահովել ակադեմիական փոխանակության ծրագրերով արտասահմանյան համալսարաններում դասավանդած կամ հետազոտություններ իրականացրած մասնագետների փորձի տարածումը ամբիոնի աշխատողների շրջանում,
- 4) ըստ մասնագիտացման՝ համալսարանում հյուրընկալվող արտասահմանյան համալսարանների դասախոսների հետ հաստատել սերտ և տևական կապեր՝ համատեղ հետազոտությունների իրականացման, համահեղինակությամբ հոդվածներն արտասահմանում կամ Հայաստանում հրատարակելու նպատակով,
- 5) խրախուսել դասախոսությունների, սեմինար և գործնական պարապմունքների վարման նոր, ժամանակակից արդիական ու արդյունավետ մեթոդների կիրառումը,
- 6) հեռակա ուսուցման բակալավրիատում առաջադիմությունը բարձրացնելու նպատակով (դասավանդման մեթոդի, հանձնարարությունների վերանայում և նոր ձևաչափի սահմանում) մշակել համալիր միջոցառումներ և ներկայացնել մասնաճյուղի խորհրդի քննարկմանը,
- 7) 2018-2019 ուսումնական տարվա առաջին ամբիոնի նիստում քննարկել և հաստատման ներկայացնել ավարտական աշխատանքների և մագիստրոսական թեզերի թեմաների ցանկը,
- 8) պարբերաբար վերանայել ուսումնասիրտադրական, գիտամանկավարժական և գիտահետազոտական փորձառությունների ծրագրերը (խոշոր գործատուների պարագայում համաձայնեցնելով նրանց հետ), պատշաճ հսկողություն իրականացնել փորձառության անցկացման վայրի ընտրության և ուսումնասիրությունների ընտրված ուղղությանը վերջինիս համապատասխանության նկատմամբ, նրանց հետ կնքելով փոխադարձ շահերը հաշվի առնող պայմանագրեր:

4. Սույն որոշումը քննարկել մասնաճյուղի խորհրդի և ամբիոնների նիստերում ու ձեռնարկել համապատասխան միջոցներ նշված հանձնարարականներն իրականացնելու համար:

5. Սույն որոշման կատարման նկատմամբ վերահսկողությունը վերապահել պրոռեկտորներ Պ.Ա.Քալանթարյանին, Մ.Ն.Հարությունյանին և Գ.Ի.Վարդանյանին

Գիտական խորհրդի նախագահ՝

2018 թ. Հունիսի 15
Երևան



Ե. Լ. Աթոյան